



RESOLUCIÓN DA DIRECCIÓN XERAL DO PATRIMONIO CULTURAL SOBRE INTERVENCIÓN QUE AFECTA A UN BEN DO PATRIMONIO CULTURAL DE GALICIA

EXPEDIENTE: 18/20

PROMOTOR: Concello de Sada

INTERVENCIÓN: Mellora de instalacións e pavimentos en camiños de Piñeiro, Meirás.

CONCELLO: SADA

ANTECEDENTES

1. A solicitude de autorización, remitida polo concello, ten entrada no Rexistro Xeral da Xunta de Galicia o día 03.01.2020 (entrada 719 / RX 13047).
As obras que se pretenden executar veñen relacionadas nun proxecto redactado polo arquitecto Gonzalo Mantiñán Campos en decembro de 2019.
2. Consta no expediente informe do arquitecto do Servizo de Xestión Cultural da Xefatura Territorial da Consellería de Cultura e Turismo na Coruña no que se sinala que:

"[...] Preténdese a dotación dunha rede de augas pluviais e a mellora do estado dos pavimentos; respecto da intervención no contorno inmediato da fonte e lavadoiro, mantense o pavimento existente. Esta actuación non semella, á xuízo do técnico que subscribe, ter repercusións negativas sobre o contorno dos bens obxecto de protección, polo que, a solicitude achegada infórmase favorablemente".

CONSIDERACIÓNS LEGAIS

1. A obra que se pretende executar está situada no contorno de protección dun elemento incluído no planeamento vixente, coa ficha 15-12, Fonte e Lavadoiro de Piñeiro.
De acordo co disposto nos artigos 8 e 30 da Lei 5/2016, do 4 de maio, do patrimonio cultural de Galicia, os bens, que polo seu interese cultural están recollidos individualmente nun instrumento do planeamento urbanístico, teñen a consideración de bens catalogados.
2. Ao situarse a intervención no contorno de protección de bens do patrimonio cultural de Galicia, segundo o artigo 39 e conforme co 45 da Lei 5/2016, precisa de autorización previa da consellería con competencias en patrimonio cultural.
3. É de aplicación na tramitación e resolución do presente expediente o disposto nas seguintes disposicións normativas:
 - Lei 39/2015, do 1 de outubro, de procedemento administrativo común das administracións públicas.
 - Lei 40/2015, do 1 de outubro, de réxime xurídico do sector público.
 - Lei 16/1985, do 25 de xuño, do Patrimonio Histórico Español.
 - Lei 5/2016, do 4 de maio, do patrimonio cultural de Galicia.





CONSELLERÍA DE CULTURA E TURISMO

Xefatura Territorial da Coruña

Servizo de Xestión Cultural

- Lei 3/2018, do 26 de decembro, de medidas fiscais e administrativas.
- Lei 1/2019, do 22 de abril, de rehabilitación e de rexeneración e renovación urbanas de Galicia.
- Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia.
- Decreto 93/2017, do 14 de setembro, polo que se regula a composición e funcionamento dos consellos territoriais de Patrimonio Cultural de Galicia, do Consello Asesor dos Camiños de Santiago e da Comisión Técnica de Arqueoloxía.
- Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.
- As demais normas de aplicación, en particular a lexislación vixente sobre o réxime do solo e a ordenación urbana, en relación coa protección e a conservación do patrimonio cultural.

De acordo con todo o indicado e no exercicio da competencia que me atribúe a Resolución do 9 de xaneiro de 2019, da Dirección Xeral de Patrimonio Cultural, pola que se delega nos titulares das xefaturas territoriais desta consellería o exercicio de determinadas competencias (DOG núm. 18 do 25 de xaneiro); o Decreto 88/2018, do 26 de setembro, polo que se establece a estrutura orgánica da Xunta de Galicia; o Decreto 106/2018, do 4 de outubro, polo que se modifica parcialmente o Decreto 177/2016, do 15 de decembro, polo que se fixa a estrutura orgánica das consellerías da Xunta de Galicia, e o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos e o Decreto 163/2018, do 13 de decembro, polo que se establece a estrutura orgánica da Consellería de Cultura e Turismo.

RESOLVO

Autorizar a intervención solicitada.

Esta autorización non exime das autorizacións sectoriais oportunas e do cumprimento das ordenanzas municipais.

A Coruña, asinado polo xefe territorial da Consellería de Cultura e Turismo da Coruña (Por suplencia, a xefa do Servizo de Xestión Cultural da Coruña en virtude de Resolución do 02.01.2020, da directora xeral de Patrimonio Cultural da Consellería de Cultura e Turismo).

Contra esta resolución poderase interpoñer recurso de alzada ante o Conselleiro de Cultura e Turismo no prazo de 1 mes, contado dende o día seguinte ao da súa notificación, de conformidade co disposto nos artigos 30, 121 e 122 da Lei 39/2015, do 1 de outubro, do procedemento administrativo común das administracións públicas e co artigo 26.3.c da Lei 16//2010 do 17 de decembro, de organización e funcionamento da Administración Xeral e do sector público autonómico de Galicia.

